

APRILI 2018

24-hour Emergency Fire Brigade 028 313 8000/8111
028 312 2400

Bulletin

Incwadi ethunyelwa amalungu e-Bhunga le Overstrand esesikweni

I-OVERSTRAND YAMKELA USODOLOPHU WESIGQEBA (UCEBAKHULU) NESEKELA LAKHE



Emfanekisweni nguCebakhulu neKomiti yakhe (ukusuka ekunene ukuya ekhohlo): nguCeba Andrew Komani (kwiNkonzo zaBaphathi), nguCeba Riana de Coning (kwiSebe leZemali), nguCebakhulu uDudley Coetzee, iSekela lakhe uSodolophu Elnora Gillion (kwiSebe loPhuhliso kwezoQoqosho noKhenketho, neeNkonzo zoKhuseleko), nguArnie Africa (weeNkonzo zoLuntu) noKari Brice (kwiSebe loCetywa kweziBonelelo)

NgoLwesine umhla wama-28 kuFebruwari 2018 kwiOdithoriyam yaseHermanus, uCebakhulu Dudley Coetzee wenza intetho yokubekwa kwakhe esikhundleni ngokusesikweni. Ngale mini yomsitho uCeba Elnora Gillion wonyulwa waliSekela likaSodolophu ze emva koko kwabengezwa umagazulu kaMAYCO oza kulawula ngo2018 - 2021. Ngenjongo yokunciphisa iindleko kwenziwa isigqibo sokuba kucuthwe uMAYCO ngelungu elinye. I-Potifoliyo yeNkonzo yezoKhuseleko yafakwa phantsi kweSebe leZozoqosho noKhenketho, uCeba Gillion wabekwa njengosihlalo walo. UCeba Riana de Coning wangusihlalo weSebe leZemali, ngeli xesha uCeba Andrew Komani eza kuba ngusihlalo weeNkonzo zaBaphathi, uCeba Kari Brice wangusihlalo wokuCetywa kweziBonelelo, uCeba Arnie Africa wangusihlalo weeNkonzo zoLuntu.

ULWANDLE LWASEGROTTO LUXHAMLISA WONKE UMNTU UBUNCWANE KWEZOLONWABO

Oku kwenzeka ngomculo lwesitulo esinamavili sasemanzini



Owezoxibelelwano ngeBlue Flag eOverstrand, uLaurien Rainbird, wayechulumancile ngexesha uWESSA noFord Motor Company Fund benikela ngesitulo esinamavili sasemanzini kwiGrotto #Blue Flag Beach. Emfanekisweni apha, ukusuka ekhohlo ukuya ekunene, nguRob Slater (uMphathi kwaWESSA), nguLaurien Rainbird, nguDudu Nxele (eFord Wildlife Foundation), nguRichard Scholtz (iNtsumpa kuMasipala waseOverstrand: iPaki, aMabala eZemidlalo noMalwandle) noLindadu Plessis (kwiFord Wildlife Foundation).

Abahlali abakhubazekileyo kwakunye neendwendwe ezityelela ulwandle lwaseGrotto olunophawu lweBlue Flag baza kulifumana ngoku ithuba lokudlala esantini bafake neenzwane zabo kulwandle lweAtlantika. Oku kwenzeka ngomculo lwesitulo esinamavili saselwandle nesenzelwe ukuba abakhubazekileyo nabo bakwazi ukuzonwabisa emanzini. Esi situlo sinamavili saselwandle sinesakhelo se-aluminiyum eyomeleleyo nesinokumelana nomthwalo ongama-150 kg. Esi situlo sinamavili amathathu axandileyo kunalawo ezitulo eziqhelekileyo ukuze sibonokuhamba lula esantini. Sikwanezixhobo ezibini zokudadisa: Zisebenza njengendawo yokungqiyama, Ezi zixhobo ziqinisekisa ukuba isitulo esi sidada phezulu emanzini. Esi situlo saphiwa i-Overstrand njengomnikelo wesisa ovela kwaWESSA (iSosayethi yeNdalo yaseNdle nokuSingqongileyo eMzantsi Afrika), iBhunga laBakhubazekileyo kuZwelonke (iNCPD) noMxhasizimali weNkampani yakwaFord eyenza iiNgwelomafutha. Esi situlo siza kufumaneka kwabasifunayo ze sibonokusetyenziswa eGrotto Beach (ngomhla woku-1 kuDisemba de kube ngumhla wama-31 kuMatshi) eli lixesha elinikwe iGrotto ukuba iphephezelise iBlue Flag xa kanye iindadi zaselwandle zisemsebenzini.

EZIPHAMBILI KWINTETHO KASODOLOPHU NGEXESHA LOKUBEKWA KWAKHE NGOKUSESIKWENI

Kwintetho yakhe yokuqala ayenze kwiBhunga ngoLwesithathu umhla wama-28 kuFebruwari 2018, uCebakhulu Dudley Coetzee wathi injongo yakhe kukuqinisekisa ukuba uMasipala unemali eyaneleyo ukuze akwazi ukuqhubeka nokunika iinkonzo ezisemgangathweni ngemali efikelekayo kubahlali nabatyaleli. Ukuphakamisa umgangatho wentlalo kwindawo zabantu abahluphekileyo ngomnye umbandela ophambili oza kuthi uqwalaselwe, "Ukuze ezi njongo zifezeke," wathi uCoetzee, "kufuneka sikhulise uqoqosho lwethu ngokuthi sivulele abo bakwaziyo ukucinga ukuba beze namacebo abo ngaphambili, ukuze bavulele abahlali amathuba emisebenzi. Xa abantu bekwazi ukondla iintsapho zabo loo nto iza kuthetha ukuba sibabuyisela isidima sabo". UCoetzee wathi xa i-Overstrand ineenjongo ezilolu hlobo kufuneka kutsalwe abatyali-zimali ngokuthi 'kususwe imiqobo' eza kwenza kube lula ukuba bavule amashini abo apha, ngokwango kusebenza kubo ukuba benze njalo. Waqhuba wenjenje, "Kufuneka siqinisekise ukuba siyaqhubeka nonikezelo lwamanzi acocokileyo, kwanokuba sinorhulumente wasekhaya ozikhathathalelayo iimfuno zoluntu ukuze nabani otyala kurhulumente onjalo angabuyi elambatha". Ngokuphathelele nombona wezindlu uCoetzee wathi umasipala ukubuyele ukwakhela abantu izindlu zamaxabiso afikelekayo phakathi kwama-R350 000 nama R1 000 000 ngokwezicwangciso zakhe. Ngabantu abamkela umvuzo ophakathi kwama-R8 000 nama-R20 000 ngenyanga abayakuxhamla. Uphendule kwimibuzo emalunga nokukushokoxeka kwamanzi eNtshona Koloni, watsho esithi iOverstrand ayichaphazekekanga kakhulu njengabanye oomasipala ephondweni kodwa nangona kunjalo abantu kufuneka bafunde ukusebenzisa amanzi ngokutsha kwaye ukusetyenziswa kwamanzi ngendlela efanelekileyo kufuneka kube ngumbandela ophambili kwizicwangciso zakhe. "Ukuze amanzi akoovimba bethu agcinakale," wongeza wathi, "kuza kufuneka abantu bafunde ukusebenzisa amanzi amadaka ngokutsha. La manzi amadaka akazi kuselwa ngabantu, kuza ukusetyenziswa wona endaweni yalawo okusela. Awokusela awanakuze asetyenziselwe ukugungxula ithoyilethi, ukuxova udaka okanye ukuncenkeshela ingca kumabala ezemidlalo okanye iigadi". Nazo ezi mfene ziyinxaki uzichaphazele kwintetho yakhe. Kulo mcimbi uCoetzee uthi, ukhe wanentlanganiso noMphathiswa uAnton Bredell worhulumente wasekhaya nemcimbi yokusingqongileyo kwindlu yowiso-mthetho ekwiPhondo leNtshona Koloni ukuze kucace kanye ukuba ngubani omakathwaliswe uxanduva lokugxotha ezi mfene kwiidolophu zaseOverstrand. Intlanganiso ibekelwe umhla wama-24 kuEpreli. Kwisithuba sokuba iOverstrand inokuthwaliswa uxanduva lokugxotha ezi mfene ziyinxaki, kukho isixa semali engama-R14000 000 kwiqhajethi yaseOverstrand enokusetyenziswa iminyaka emithathu iphele kuthi tu le ngxaki.

IVUMBA NAMANZI AMABI EGANSBAAI - INKQUBELA ESELE YENZIWE

Ekuqheleni kukaFebruwari inkonzo yokunikezela ngamanzi eOverstrand iye yaqalisa umsebenzi wokucoca amanzi aselwayo eGansbaai. La manzi ebavakala enevumba ngenxa yengubo yamasele elele kwidama iKraaibosch. Le ngxaki yenzeka kanye ngexesha leenyanga ezishushu zehlobo. Inkqubela kulo msebenzi sele ibonakala kuba ingubo yamasele ayisekho ngako koovimba bamanzi asemadaminini. UMasipala ufuna ukuqinisekisa iiklayenti ukuba amanzi acocokileyo awanayo ingubo yamasele. Ngamanzi asemadaminini kuphela athi abenevumba abe mabi wakuwaselela ngenxa yengubo yamasele. Iziko lokucoca amanzi eFranskrail alizange lidalelwe ukhulangebezana nengxaki eyenziwa yingubo yamasele kwasekusekweni kwalo. Loo nto ingqinwa ziinkcukacha ezikhoyo ngembali yeli ziko. Nangona kunjalo abahlali bayaqinisekiswa ukuba lo mcimbi ukhangelelwa isisombululo ngabasemagunyeni ukuze le ngxaki ithinteleke ngokukwixesha elizayo. Iziphumo ezikhutshiweyo ngeesampuli ezithatwe kutsha nje zibonisa ukuba la manzi asakulungele ukusetyenziswa ngabantu. Ukususeka ukuba kwabakho le ngxaki kwaqala kwakho iisampuli ezithathwa rhogo ngeveki ukuqinisekisa ukuba amanzi aseGansbaai akulungele ukuselwa. Le nto iza kuhlala isenzeka de le ngxaki ifumanelwe isisombululo. Emva koko iisampuli ziza kuthathwa ngendlela eqhelekileyo.

IBHAJETHI ESAYILWAYO YASE-OVERSTRAND ICACISIWE

Ngolwesibini umhla wama-20 kuFebruwari uDadley Coetzee (owayesakuba) ngushilo wotofoliyo yeZemali nobambelwe kungoku nje kwisikhundla sikaSodolophu baye bakrobisa abantu ngobume bebhajethi ngo-2018/19 kwintlanganisano yoluntu eyayiquzelelwe yiforamu yaBacebisi kuMasipala waseOverstrand (iOMAF). Apha uCoetzee waweza into yokuba nangona kukho inkqubo malunga nokutshintsha izitishi ezahluhlala amanzi nezide zonakala, zavuzwa ngenxa yobudala, ukunabisele lo msebenzi kwizitishi ezahluhlala amanzi elindle kuza kuxabisa imali eninzi kakhulu. Le nto iza kunyanzelisa iOverstrand ukuba isebenzise oovimba bemali efumaneka ngokukhawuleza. Wanika isiqinisekiso sokuba iOverstrand ayisekho phantsi komngcipheko wokushokoxeka kwemali ukususela ukuba yanika ingqwalasela ubume bayo bezimali ngokuthi inciphise inkcitho nokunyusa ingeniso. "Imali eyayikho naleyo yayinokufumaneka ngomhla wama-30 ku-Juni yayingama-R259.8 ezigidi, kwaye kwakho nentshiyekela engama-21 ezigidi emva kokuba kwaneliswe imiqathango ethintela ukubhangiswa, kwafumaneka nemali ebuyiswayo ngokunjalo." Wathetha esongeza wathi imali yeeprojekthi ezingundoqo kwintshiyela yaseOverstrand iza kuphinda inyuke kulo nyaka ukusuka kwi-R11.7 lezigidi kulo nyaka iye kuma-R20 ezigidi kunyaka ozayo. UCoetzee wathi ekupheleni koDisemba 2017 irekhodi yokunyuka kwamaxabiso minyaka le ibonisa ukuba ixabiso lalingaphantsi kancinane kwi-6%. Kulo nyaka kulindeleke ukuba ukunyuka kwamaxabiso kufikelele kwi-6% ukususela ngoJulayi 2018. Loo nto yenziwa kukunyuka kombane. Ngenxa yezi zinto zikhankanyweyo akukho nanye kwizinto eziphantsi kolawulo lukamasipala eza kuthotyelwa ixabiso okanye ingahlawulelwa kule bhajethi iyilwayo. Wonke umntu uza kunyanzeleka ukuba azihlawulele izinto ekuxoxwe kwawawo ngazo ukuba zinyuke. Kukho into ethi ixabiso lombane onikwa oomaspala nguEskom liza kunyuka ngo-7.32% njengoko kuqheleke ukuba njalo maxabiso okunyuka kombane avelele kuluhlu lokunyusa irhafu ngo-2018/19. Iyonke loo nto, kwisicwangciso samaxabiso irhafu yenzelwe ukuse ifikelele kwi-7.32% ngomzi ngamnye. "Yonke le nto iza kuqala ngokuthi umbane unyuke nge-9%. Iiyunithi ziza kunyuka ngolu hlobo: Iiyunithi zokuqala ezingama-350 ziza kunyuka ngo-6.5%, ezilandelayo ezingama-250 zinyuke nge-6.9% ze ekugqibeleni zonke ezingaphezulu kwama-600 zinyuke ngo-7.32%. Xa konke ukunyuka kweeyunithi kudityaniswa loo nto iza kwenza 7.30% ngeeyunithi ezingama-350 zokuqala eziyakuthi zisetyenziswe," UCoetzee wathi. Ukuze iOverstrand ibenakho ukuqhubeka nomsebenzi wokuzalisa oovimba kufuneka kunyuswe amaxabiso epropi ngo-7.2% kumntu wonke kulo nyaka. Kodwa ke kuyo yonke loo nto isiphakamiso esithe saphumelela sesokuba amaxabiso epropi anyuke ngo-6% kunyaka-2018/19. Isaphulelo esinika abantu abaminyaka ingaphezulu kwama-60 asizi kutshintsha. Indlela yokubala iindleko zokuhambisa iindle ngamanzi angama-70% nasetyenzisa kanganga-35kl ayikagqibeki. Irhafu yokuthuthwa kwenkunkuma, amanzi nelindle iza kunyuka nge-6% kwibhajethi eyilwayo. UCoetzee uthi umahluko apha yirhafu yamanzi angu 0-6kl eza kunyuka nge-11.5%. Oku kungqinwa ngummiselo wesebe leZimali kuZwelonke othi amaqondo exabiso lerhafu kwisicwangciso sokuhlalulwa kwamanzi kufuneka ibe ngalawo afikeleleka kumntu wonke. Kungoku nje inkonzo yokunikezela ngamanzi ixabiso ama-R24.66 nge-kl. IBhajethi eyilwayo yeeprojekthi ezingundoqo ngo-2018/19 ixabiso ama-R148.7 ezigidi, icatshulwa kwisixa esiphilelelo esili-R1.07 lezigidi gidi.

IMIBA EPHAMBILI KWIBHAJETHI EYILWAYO:

- Umbane: ngama-R22.2 ezigidi
- Amanzi: ngama-R32.1 ezigidi
- Iindle: ngama-R29.2 ezigidi
- Amanzi emvula: zizigidi ezi-R3.1
- Iindlela: ngama-R6.5 ezigidi
- Ezemidlalo nolonwabo: zizigidi ezi-R4.1
- Abahlali kunye neNkonzo zoLuntu: zizigidi ezili-R9
- Iiprojekthi zeewadi ngokweemfuno zazo ezili-R5.2 million
- UKhuseleko loLuntu: zizigidi ezi-R2.3
- I-ICT, ipropati eyimpahla elula neenqwelo: ngama-R20 ezigidi
- Iiprojekthi zokubonelela ngezindlu: ngama-R20.2 ezigidi

■ IBhajethi eyilwayo ngo-2018/19 iza kuswa ebantwini ukuze banike izimvo zabo emva koko isiw kwiBhunga ngoMatshi 2018.

AMANZI AVUZAYO

MAWAXELWE KWAMASI-PALA NGOKUKHAWULEZA OKUKHULU



Iindleko ezixhomiweyo zamanzi zenziwa zezi zinto zilandelayo:

- Ukufunda izibonisi-manani ngendlela egwenxa
- amanzi avuzayo
- Izibonisi-manani ezingasebenzi kakuhle
- Izixhobo zokuFefeza

Ukuba unengcinga yokuba isibonisi-manani sifundwe gwenxa, unako ukucela umasipala okufutshane naye ukuba athelekise iinkcukacha ezinikwa isibonisi-manani netyala lakho lamanzi, ucele neefoto zesibonisi-manani ezichaza ukhula nokunyuka kwamanzi akho kwiinyanga ezintathu ezidlulileyo. Kwiimeko apho iiklayenti zithi zibenezinga yokuba isibonisi-manani asisebenzi kakuhle, siqala sikhangele ukuvuza kwicala eliphathwa ngumasipala apha kwisibonisi-manani kungenjalo kweli cala likwipropati yakho. Ukuba ukuvuza kwamanzi kufumaneka kwicala leklayenti iCan-delo elingu 6.8.1 le Polisi elawula i-Ofisi yeeKlayenti, aMatyala neNtlawulo yawo lithi iindleko zokuvuza kwamanzi luxanduwa lweklayenti, kukwanjalo nokulungisa le ndawo ivuza amanzi. UMasipala waseOverstrand unenqubo ayisebenzisela ukuncedisana neeklayenti ezifumene ukulahlekelwa ngamanzi amaninzi ngokungaqondi. Ukuze ufumane iinkcukacha ngemimiselo nemiqathango yezi nkqubo qhagamshelana neofisi kamasipala ekufutshane naye okanye ukhangele kwiwebhusayithi yethu ethi www.overstrand.gov.za. qhafaza ku"Documents/Policies" emva koko u-tab kuza kuvela iPolisi ye-Ofisi yeeKlayenti, aMatyala neNtlawulo yawo. Ukuhlawula iindleko zamanzi amkileyo/ongawasebenzisayo yilahleko enkulu. Kuthintele oku ngokuthi ulungise apho kukho iindawo ezivuzayo(ukt. ithoyilethi neethhepu), ngokuvula isitishi xa uza kuba nohambo lweentsuku ezininzi nokulinganisela ngokukho amanzi owasebenzisayo ngalo lonke ixesha. Elinye icebo kukucela umasipala ukuba akufakele isixhobo samanani abalwayo ze emva koko kumiselwe irhafu omawuyihlawule ngenyanga. Nceda uqaphele! Ukuphatha-phatha nokukrutha isibonisi-manani samaninzi kukwaphula umthetho ohamba nomdliwo omkhulu nokohluthwa ilungelo lokufumana iinkonzo zikamasipala. Sebenzisa iwebhusayithi ethi enquiries@overstrand.gov.za uchaze ingxaki onayo ngokuphathelene neenkonzo zikamasipala, yiya kwiofisi kamasipala okufutshane ukuze kuthelekiswe iirekhodi neenkcukacha zakho:

Thintela ukucuthelwa imfuneko yamanzi eGreater Hermanus - Yonke imizi iyacelwa ukuba inciphise imfuneko yamanzi ngama-20%

Njengokuba iqondo lamanzi eDe Bois dam limi kuma-50% uMasipala waseOverstrand wenze isibhengezo sokuba iqondo elingu 1B lokucuthelwa imfuneko yamanzi kummandla weGreater Hermanus liza kusebenza ukususela kuMatshi (okt. ukusuka eBenguella Cove ukuya eVoelklip). Ngexesha lokuya koonondaba, iqondo lamanzi edamini belingu-46%.

Xa kunokwenzeka ukuba eli qondo libe ngaphantsi kwama-40% i-Overstrand kun-gafuneka inyuse irhafu ukuze abantu bongwe amanzi bathintele nokulahlewa ngawo ngendlela engeyomfuneko.

Ukuze uphephe imiqathango yokucuthelwa imfuneko yamanzi ekwiqondo le-2 kwan-erhafu ethe xhaxhe - sicela bonke abahlali kummandla weGreater Hermanus ukuba bancede bathobele le miqathango njengoko ifakwe phantsi kwegunya lomthetho:

■ Imibhobho yokuncenkeshela mayingasetyenziselwa ukuhlamba iimoto namaphenyane. Lo mthetho awuziquki iinkampani ezirweba ngokuhlamba iimoto.

■ Umgagatho wesamente okanye iindawo ezineethayile mazingahlanjwa ngamanzi okusela.

■ Amanzi kamasipala makasetyenziselwe ukuncenkeshela iigadi, ingca etyalwayo namabala ezemidlalo kuphela iyure enye ngosuku kabini ngeveki phambi kwentsimbi ye 09:00 okanye emva kwentsimbi ye 17:00 ngolu hlobo:

■ Imizi enenombolo ezingoonombini kwiidilesi zayo: ngoLwesithathu nangeCawe KUPHELA.

■ Imizi eneenombolo eziyiminakathi kwiidilesi zayo: ngoLwesibini nangeMigqibelo KUPHELA.

Xa ingathotyelwa le miqathango loo nto ingenza ukuba umntu akhutshelwe iSaziso esilandela ngumdlwabo. NgokoMthethwana wamanzi kuMasipala waseOverstrand, umasipala usenokuwawala amanzi okanye anciphise umthamo wokunikezelwa kwa-manzi kumakhaya angayithobeliyo le mithetho. Qaphela kwakho, into yokuba zonke izitsala-manzi ngaphantsi komhlaba kunye namaqula kufuneka zibhaliswe kwiOfisi yoMphathi weSithili, kwaye iiklayenti kufuneka ziqinisekise ukuba zixhoma umhlalo oacileyo kumaqula nezitsala manzi ezimi kwiindawo ezinqumla abantu.

■ Xa sibambene singawenza umahluko

Ukuba umzi ngamnye udla indima yawo ekulondolozeni i-avareji yamanzi anga-20% kwisithaba esizayo seenyanga ezintathu ukuya kweyesine, isenongabikho imfuneko yokusetyenziswa kweqondo le-2 lokucuthelwa imfuneko yamanzi. Ukuthobela imiqathango ebekiweyo njengoko kuchaziwe ngentla apha akonelanga, nazi ezinye izinto ezinokwenza umahluko:

■ Ngena eshawareni endaweni yokugcwalisa ibhafu ngamanzi okuhlamba.

■ Waqokelele ebhakethini onke la amanzi eshawari ze uwasebenzisele ukugungxula ithoyilethi okanye ukuncenkeshela izityalo ezikhulela ezityeni.

■ Ithoyilethi yigungxule xa kukho imfuneko kuphela.

■ Amazinyo wahlambe ngegasi egcweleyo yamanzi endaweni yokuvulela ithepu yamanzi abalekayo.

■ Hlamba iziqhuma ezikhulu zempahla kanye ngeveki. Lumkela oomatshini bokuhlamba impahla, basebenzisa amanzi amaninzi.

■ Hlamba izitya kanye ngosuku.

■ Gcina amanzi emvula kangangoko.

■ Xa ikhona indlela sebenzisa imixokomezelo ecutha ukusetyenziswa kwamanzi amaninzi.

■ Khangela iithepu ezithontsizayo neendawo ezivuzayo uzilungise. (Khangela kwalapha kweli phepha indawo ethetha ngelahleko yamanzi ngendlela engeyomfuneko.)

Xa kunokwenzeka iqondo le-2 lokucuthelwa imfuneko yamanzi lisetyenziswe, oku kungachaphazela ukuncenkeshelwa kweegadi nengca etyalwayo. Ukuba iqondo lamanzi eDe Bos dam linokuhla libe ngaphantsi kwama-40%, uhlelo lokuqala lerhafu ekuvuyelwene ngayo ekucutheni imfuneko yamanzi, nethetha ukuba irhafu iza kunyuka ngama-30% kuyo yonke imizi eyakuthi isebenzise ngaphezulu kwe-6 kl ngenyanga lungaqala lusetyenziswe. Singayithintela le ntleleke ingenzi xa wonke umntu enokudlala indima yakhe ekuthobeleni imiqathango ebekiweyo. **Iindawo ezine-mibhobho egqabhukileyo yamanzi nokusebenzisa amanzi ngendlela egwenxa mazixelwe kule nombolo 028 313 8000/8111 okanye kule 028 313 8996. Abahlali kunye namashishini afuna ukufaka isicelo sokubonelelwa bangaqagamshelana noAdenel Bayley kule nombolo 028 313 8972 okanye uthumele i-imeyile kule dilesi depdircomsec@overstrand.gov.za.**



SUKUPHOSWA ZIZIGUBHA ZEMIBHI-YOZO KWINKCUBEKO NOBUGCISA!

I-Hermanus FynArts Festival yaqala ngo-2013, ukususela ngoko yaba ngundabamlonyeni. Abathandi bayo bayacetyiswa ukuba babhukishe amatikiti kwangethuba ukuze babe yinxalenye yezigubha ezili-120 zezinto eziza kuba zisenzeka ukususela ngomhla we-8 ukuya kumhla we-17 kaJuni kulo nyaka. Inkqubo yalo nyaka ineendidi ngeendidi zamagcisa kwinkcubeko namasiko nezisele zizenzele igama - ekhaya naphesheya kweelwandle-emculweni, kwi-ballet nakumdlalo weqonga. Ngaphezu koko, abathandi bemibhiyozo baza kufumana ithuba lokonwabela iqela lemiboniso, izinto ezibukelwayo, neentlanganisano zocweto. Ukuze ufumane iinkcukacha zipheleleyo malunga nenkqubo vula iwebhusayithi ethi **hermanusfynarts.co.za** okanye uqhagamshelane neofisi yezokhenketho. Amatitiki ayafumaneka nge intranethi ku **Webtickets.co.za** nakwi-ofisi yezokhenketho eHermanus.



UTimothy Moloi - utsha ziintambo - ufuna ukonwabisa abantu